

- Cistoskopija se vrši uz lokalni anestetik.
- Položaj tijela za ovaj pregled je litotomski (ginekološki) i za muškarce i za žene.



Slika 5. Pozicija pacijenta pri cistoskopiji

KOMPLIKACIJE

Javite se ljekaru ako poslije odlaska kući imate:

- Obilnije krvarenje
- Temperaturu iznad 38° C, groznicu
- Bol i peckanje koje traje duže od dva dana.

ZAŠTO JE VAŽAN CISTOSKOPSKI PREGLED?

- Cistoskopski pregled je jedan od najuspješnijih pregleda zato što sluznicu gledamo uvećanu golim okom što je prednost u otkrivanju raznih malignih (zlućudnih) oboljenja.
- Zapamtite, većina uroloških oboljenja se uspješno liječe ako se otkriju na vrijeme.



JU Opća bolnica
„Prim.dr. Abdulah Nakaš“
Kranjčevićeva 12
71000 Sarajevo
Bosna i Hercegovina



Telefonska centrala
+387 33 285-100

Fax
+387 33 285-370

Web adresa
www.obs.ba


e-mail
info@obs.ba

Obrada
Odjeljenje za biblioteku, informacionu
i edukacionu djelatnost



Odjeljenje za hirurgiju
Odsjek za urologiju

CISTOSKOPSKI PREGLED Informacije za pacijente



Pripremila

Selma Tuno, med. th.

ŠTA JE CISTOSKOPIJA?

- Cistoskopija je dijagnostička metoda. Pregled se vrši optičkim metalnim instrumentom koji se naziva cistoskop.




Slika 1. Rigidni cistoskop

- Cistoskopom se vrši pregled mokraćne cjevi, prostate i mokraćnog mjehura.

INDIKACIJE ZA CISTOSKOPIJU

- Cistoskopija služi za otkrivanje uzroka pojave krvi u mokraći, bolnog mokrenja, nevoljnog umokravanja (urinarna inkontinencija), nemogućnosti mokrenja (inkontinencija), otežanog mokrenja i ponavljanja infekcija mokraćne bešike i mokraćnih puteva.
- Primjenjuje se i kod uroloških problema čiji uzrok ne može da se uoči rentgenom ili intravenskom pijelografijom.
- Cistoskopija se koristi pri postavljanju katetera koji omogućava protok mokraće od bubrega do bešike, uzimanja uzorka za patohistološki pregled.



Slika 2. Slika tumora mokraćne bešike viđen kroz cistoskop

- Njom se mogu ukloniti kamenci iz mokraćnih organa i izraštaji koji krvare.
-




Slika 3. Kamen u mokraćnoj bešici koji se može odstraniti cistoskopijom

PRIPREMA ZA CISTOSKOPIJU

- Prije zakazivanja cistoskopije, dok je pacijent još na urološkom kabinetu, treba obavezno da informiše ljekara ako boluje od neke teške srčane, plućne, bubrežne ili zarazne bolesti (npr. žutica).

- Nekoliko dana prije pregleda ne treba uzimati antikoagulantnu terapiju (andol, aspirin, plavix, sintrom, marivarin), a o tome prethodno obavezno konsultovati ljekara koji Vam je tu terapiju prepisao.
- Ujutro, prije pregleda, poželjno je obaviti veliku nuždu i oprati genitalije.
- Pacijent može prije pregleda uzeti manji, lagani obrok.
- Obavezno ponijeti ovjerenu zdravestenu knjižicu, uputnicu, nalaze i novac ako podliježete plaćanju.
- Pacijent medicinskom tehničaru na cistoskopiji treba naglasiti ako je alergičan na neke lijekove (jod, pencilin, xylokain).

IZVOĐENJE CISTOSKOPIJE



Slika 4. Cistoskopski pregled

- Cistoskopija traje 5-10 minuta ako nema teških oboljenja mokraćnog sistema.